

omnia in magnum preiudicium ipsius redundarent, si eius coronatio differretur.

§ Sexto.

Quia barones, qui tenentur sequi dictum regem ad coronationem, non comitantur vel miserunt stipendiarios cum eorum expensis, qui non sequerentur dictum dominum regem, si diu coronam expectaret. Qui dicunt, quod non tenentur eum sequi^a vel cum eo morari, nisi continuando consuetas^b dietas ad Urbem, et si forte gratis vellent morari, tam diu defficerent in expensis et sic necessario haberent recedere. Et per consequens idem dominus rex confusus recederet vel solus cum vituperio in Italia remaneret.

§ Septimo.

Quia gerit et gessit ultra omnia humana corde passagium ultramarinum, super quo nichil potest ordinare, donec fuerit coronatus. Unde expedit pro recuperatione Terre Sancte, quod cito coronetur.

§ Item quod propter dictas necessitates vitandas et utilitates amplectendas debeat fieri dicta commissio, nullus sane mentis dubitat. Nam cum rex Sicilie, videlicet Carolus avus istius regis Roberti, vellet coronari in Urbe et dominus papa non posset ibi comode venire, coronationem ipsius commisit propter necessitates regni Sicilie aliis faciendam, et per alium quam per papam fuit coronatus. Unde multo fortius et idem debet fieri in nostro casu, cum maior sit in isto ratio^c quam in illo, propter maiores necessitates, que imminent imperio et regno Romanorum, quam essent ille, et quia ipse plus distat longe quam dominus Clemens, qui non distabat tunc nisi per duas vel tres dietas ab Urbe.

§ Item quia quamquam dicatur, quod dominus papa imperatorem inungit, consecrat et coronat, intelligitur per alium, quia numquam per se facit, ymo per aliquos^d episcopos cardinales, cum ipse inunctionem et consecrationem committat eis semper, antequam coronam imponat per se. Unde fortiori ratione potest et debet in casu nostro totam coronationem alii delegare, cum casus unctionis et consecrationis^e sit spiritualis, coronatio vero temporalis.

§ Item quia ardue cause, que non possunt regulariter, si absens sit, sumi, magistratus illas potest et debet alii committere. Ergo in nostro casu hoc est faciendum.

§ Item ex ista commissione vestre sanctitatis honor in aliquo non minuitur, set augetur. Tanto etenim maior

a) 'tenentur — se' auf Rasur. b) Auf Rasur. c) 'cum — ratio' auf Rasur. d) 'per aliquos' über der Zeile. e) 'unct. et cons.' auf Rasur.